



UNIVERSITÄTS-
BIBLIOTHEK
PADERBORN

Claudii Fleurii Abbatis Historia Ecclesiastica

Ab Anno 483. Usque Ad Annum 561.

Fleury, Claude

August. Vind. [u.a.], 1759

VD18 90117824

§. 62. Cassiodorus.

[urn:nbn:de:hbz:466:1-66066](https://nbn-resolving.org/urn:nbn:de:hbz:466:1-66066)

nem. Joannes Papa Cœmeteria Marty- Sæculum VI.
A. C. 559.
rum restauravit, & auxit. Item præce-
pit, ut Ecclesia Lateranensis singulis die-
bus Dominicis Panem, Vinum & Cereos il-
lis Sepulchris suppeditaret.

§. LXII.

Cassiodorus.

Joannis Pontificis ætate Cassiodorus ul-
timo Senio confectus obiit, vir celebra-
tissimus. Is ex nobilissimis inter Roma-
nos stirpibus genus ducens, Scyllacei in
Calabria circa annum 470. natus, sub
Theodorico Rege publicæ rei Administra-
tor, anno 514. Consul, sub Athalarico
Theodato & Vitige Præfectus Prætorio
fuit. Post tristem hujus Principis casum
circa annum 540. relicto Mundo jam se-
ptuagenarius recepit se in Monasterium
Vivariense, quod in uno prædiorum suo-
rum haud procul loco, in quo lucem pri-
mo aspexerat, ædificavit. Pelena mo-
dicus annis illam oram alluens rigandis
hortis aquas dabat, & Molendinum mo-
vebat. Tam prope erat Mare, ut Mona-
chi facile piscari possent, atque sub radici-
bus montis vivaria custodiendis piscibus
humano labore paraverant. Fontes quo-
que aderant, quæ aquas bibituris, & bal-
neum lavantibus tam vegetis, quam æ-
grotantibus præbebant. Nec opus erat
Monachis ut exirent, cum vitæ subsidia
intra

Divin. lect.
c. 29.

Sæculum VI. intra Monasterium haberent. Viseban-
 A.C. 559. tur in eo Lucernæ tam eximio artificio,
 6. 38. ut nemine accurante longo admodum
 tempore arderent: Horologia, in qui-
 bus Solis umbra diei tempora indicabat,
 & Clepsydræ, quæ aquarum motu tempe-
 rabantur. Præprimis vero locupletissima
 Bibliotheca hoc Monasterium decorabat.
 In ipso Monasterio Vivariensi Cœnobitæ
 degebant, at in monte proximo erat Mo-
 nasterium Castelanum, ubi manebant A-
 nachoretæ, qui in Congregatione diu ex-
 c. 29. ercitati, judicabantur idonei, qui in so-
 litudine ad sublimius perfectionis fasti-
 gium conniterentur. Itaque geminum
 erat hoc Monasterium, & verisimile est,
 quod ideo duos nempe Calcedonium &
 c. 31. Gerontium habuerit Abbates.

In illo secessu Cassiodorus plures Libros
 conscripsit. Primo Commentarium in
 Psalms, nam cum in illis legendis dulcem
 saporem sensisset, totum se huic studio
 dedit, cum vero multa valde obscura non
 intelligeret, conversus est ad Commenta-
 rium S. Augustini, & alterum ipse compo-
 suit, non tantum ex S. Augustino sed e-
 tiam ex aliis excerptum. Exinde scripsit
 Cassiodorus de Divinis Scripturis Institu-
 tionem, in qua Monachos suos docet, quæ
 ratio in illis legendis tenenda sit. Incipit
 in hunc modum: *Cum viderem, quanto*
ardore

ardore in litteras humanas plerique in-
 cumberent, vebementer indolui, quod nulli
 essent Doctores Publici, qui Sacras Scri-
 pturas explicarent. (*) Tum ego & Aga-
 pitus Papa conatus nostros junximus, ut
 ejusmodi Sacra Schola Romæ expensis com-
 munitibus institueretur, qualis multo tempo-
 re Alexandria fuisse dicitur, & Judæos
 hodieque Nisibi habere ferunt. Sed belli-
 cis tumultibus obstantibus, ne vota mea
 effectum bonum sortirentur, illum defe-
 ctum utcumque ista mea Scriptione supple-
 re me existimavi.

Sæculum VI.
 A. C. 559.

Præf. Inst.

Cassiodorus.

Regu-

(*) Dolendum omnino erat cum Cassiodoro,
 illa ætate non fuisse erectas publicas Cathedras,
 in quibus prælegeretur S. Scriptura seu Theo-
 logia Dogmatica & etiam Scholastica, si modo
 illa non fuisset, cujus Ofor Joannes Trithemius
 Abbas Spanheimensis fuit. De hoc Viro &
 Theologia Scholastica in Historia Rei Litterariæ
 O. S. B. Parte secunda, Cap. I. de Theol. Schol.
 hæc leguntur: Ceterum Trithemius Theologiæ
 Scholasticæ ofor fuisse dicitur. Ita prorsus est.
 Sed cujus? illius nempe, quæ Sanctissima Fidei
 Dogmata tricus involvit philosophicis; qui au-
 ditores suos meris & inutilissimis pascit subti-
 litatibus, quæ in eo tantum desudat, ut annuas
 novitates, velut Theodericus a S. Guilielmo de
 Petro Abaelardo agebat, procudat; quæ sine
 Scripturarum, Canonum, Patrum, atque Histo-
 riæ Ecclesiasticæ luce gravissimas exponit Quæ-
 stiones. Hanc hujusmodi Theologiam suo ævo
 in plerisque Scholis tradi solitam odio habuit
 Trithemius, non autem veram ac sinceram, cujus
 Dignitatem, utilitatem, atque necessitatem non
 modo non improbavit, sed summo opere laudavit.
 Hæc ibi.

- Sæculum VI.** Regulam ponit, Scripturam secundum
A. C. 559. Expositiones approbatas Patrum esse in-
 telligendam. Primo totum Psalterium
 memoriæ esse imprimendum, tum reli-
 quam omnem Scripturam ex correctis Ex-
 emplaribus esse legendam, donec memo-
 riæ redderetur præsentissima. Felices
 illos existimabat, qui eam ex memoria
 recitare possent. Hortatur, ut in Mona-
 chorum studiis ordo servetur, & expli-
 cat Summam Operis sui, in duos Libros
 divisi. In primo tractat de Scriptura Sa-
 cra, & in secundo de Artibus liberalibus.
- 6. I. 2. 3. &c.** Ipsam Materiam sibi propositam aggre-
 diens, singillatim Commentarios Patrum
 in quemlibet Scripturæ librum indicat,
 suadetque, ut legantur. Hos Commen-
 tarios ipse in sua Bibliotheca habebat, non
 solum Patrum Latinorum, sed etiam Græ-
 corum, quorum Opera transferri curave-
 rat in latinam. Ubi de Origene loqui-
 tur, dicit, aliquos Patres eum pro Hæreti-
 co habere, & nuper a Vigilio Papa fuisse
 damnatum. Inde conjectura est, ut cre-
 damus, hoc Opus a Cassiodoro brevi post
 celebratum Concilium quintum scriptum
 fuisse. Nihilominus ubi ipsi sermo est de
 Conciliis Universalibus, nempe statim
 post S. Scripturam, tantum prima quatuor
 nominat, sive Quintum necdum tunc fue-
 rit finitum, sive de illius Auctoritate dubi-
 taret Cassiodorus, cum videret, illud a
 multis
- Sup. n. 54.**

multis Episcopis, præsertim in Italia non recipi.

Præcipuos scientiæ Ecclesiasticæ Scrip-
tores enumerat sive Theologos sive Hi-
storicos sive Morales, quos inter etiam lo-
cum dat Cassiano; sed monet caute le-
gendum, & secundum Victoris Episcopi
Martyriti in Africa correctionem. Inter
Scriptores Historiarum mentionem facit
Historiæ Tripartitæ, quam ab amico suo
Epiphanio concinnari petierat. Hoc o-
pus est trium Scriptorum Græcorum So-
cratis, Sozomeni & Theodoretii versio, in
unum Corpus collecta, & in duodecim Li-
bros divisa. Eadem quoque est quasi con-
tinuatio Rufini, qui decem Libros Eusebii
transulerat, & undecimum adjecerat. Ex
eo tempore vix alia Historia Ecclesiastica
Latinis fuit nota. Cassiodorus Auctorum
Ecclesiasticorum seriem claudit, memo-
rans duos SS. Abbates, scilicet Eugippium
& Dionysium exiguum, ipsius in paucis
amicos.

Cum Cassiodorus esset litterarum a-
mantissimus, Monachis suis suadet, ut præ-
primis Sacræ Scripturæ scientiæ operam
dent, & omnibus illis Disciplinis, quæ ad
eam intelligendam faciunt; suntque i-
psius opinione satis multæ. Ne labor ma-
nuum desit, hortatur, ut præ reliquis ope-
ribus libros describerent, jubetque ut ma-
gna cura sit Orthographiæ. Hujus mul-

Hist. Eccles. Tom. VII. D d d cas

Sæculum VI.
A. C. 559.

Sup. n. 54.

c. 17. 18. etc.

c. 29.

Historia Tri-
partita.

c. 17.

18. 3

c. 30.

Sæculum VI. A. C. 559. tas præscribit Regulas præsertim ad corrigenda antiqua S. Scripturæ Exemplaria, quæ sæpe correctione temeraria mutabantur. Hæc res Cassiodoro adeo cordi fuit, ut annos natus nonaginta tres scriberet Tractatum peculiarem de Orthographia, ex duobus Scriptoribus, quorum ultimus erat Priscianus, excerptum. Illi vero Monachi, qui ad excolendas litteras inepti essent, Cassiodoro Auctore, agrorum vel hortorum culturam ad sublevandos hospites & ægrotos exerçant. His libros de agris & hortis tractantes, illis, quibus ægrotantium cura erat demandata, Tractatus a Medicis editos, indicat.

n. 15.

c. 28.

c. 31.

Secundus Liber Cassiodori de Institutione complectitur Tractatus in compendium contractos de Artibus Liberalibus, nempe, de Grammatica, de Rhetorica, Logica, Mathematica, quæ iterum alias quatuor partes habet, nempe Arithmeticam, Geometriam, Musicam, & Astronomiam, universim de Disciplinis septem, quæ septem Artes Liberales sunt ex eo tempore in Christianorum Scholis celebratissimæ. Ita Cassiodorus vitam circa annum 565. sancte clausit. Eidem exiguus Tractatus seu Rationarium temporis Paschalis anno 562. scriptus tribuitur.

FINIS LIB. XXXIII. & TOM. VII.

INDEX